

Dor mien schuld

In de kerk met allerziele
de houte bank die krakt
mien knijje zien ni um te kniele
ik zit onderoet gezakt

de communie giet beginne
de kelk met roeie wien
ik luuster nar Latijnse zinne
ik staar nar 't gordien

want iederien din 't zuut
iederien din wet van os twieje
iederien din 't huurt
de stem die van binne brult

allemoal dor mien schuld
allemoal dor mien eige groete schuld

verlos os van 't kwade ame
steeds als ik ow zij
begint 't wonder van os same
elke kier opnij

nog mar ien weesgegroet
en doarnoa nog mar ien onze vader
ik zij ow oege, de gloed
de stem die van binne brult

allemoal dor mien schuld
allemoal dor mien eige groete schuld

allemoal dor mien schuld
mar de groete daag zal kome
geej in 't wit gehuld
in de kerk tusse de blome
hoe hard de stem ok brult:
'dor mien groete schuld'

allemoal dor mien schuld
allemoal dor mien eige groete schuld

[Tekst en muziek: Jack Poels]

[cd 'Hemel op aarde', RHAM 2013]